



SAKSFRAMLEGG

Sakshandsamar: Marianne Soleng	Arkivkode: FE-033
Arkivsaksnr: 22/676	Løpenr: 22/6974
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Kommunestyret	15.09.2022	044/2022

Faste saker

15.09.2022 Kommunestyret:

Handsaming i møtet:

Ordføreren orienterer:

- **Seminar 01.11.2022.** Dette blir eit seminar for kommunestyret, administrative leiarar og tillitsvalde i kommunen. Tema for seminaret vil vera levevilkår, med spesielt fokus på relativ fattigdom.

Rådmannen orienterer:

Orientering v/rådmann Ove Sæbø:

- **Budsjett-/økonomiplanprosessen.** Informasjon om status for arbeidet. Det blir lagt opp til budsjettseminar med kommunestyret 20.10.2022.
- **Møte med Statnett.** Orientering om møte med Statnett 01.09.2022 og ønske om faste møte med Statnett.
- **Atomberedskap knytt til situasjonen i Ukraina.** Statens Strålevern har innført forsterka atomberedskap som følgje av situasjonen rundt atomkraftverk i Ukraina. Tiltak ved eventuell radioaktiv forureining vil først og fremst gjelda landbruket.
- **Aktuelle tema i rådmannen si leiargruppe.** Gjeld mellom anna:
 - Informasjon, kommunikasjon og omdøme.
 - Retningslinjer for skriving av saksframlegg til politisk handsaming.
 - Utviklingstrekk i helse og omsorg.
 - Opplæring/kompetanseprogram for einingsleiarane.
 - Prosjektet "100 dagar sjølvforsynt". Dette er eit prosjekt som landbrukskontoret arbeider med, og som vil koma som sak til kommunestyret.
 - Heile, faste stillingar i kommunen. Vil koma sak eller eventuelt orientering om dette i kommunestyret.

Kommunebarometeret 2022:

- Rådgjevar Jan Erik Boge og dei fire kommunalsjefane orienterte om Samnanger sitt resultat i Kommunebarometeret 2022. Samnanger kom på 110. plass totalt.

Orientering v/kommunalsjef oppvekst, Bodil H. Øpstebo :

- **Tur til Evje for 10. klasse ved ungdomsskolen.** Svært vellukka.
- **Leirskule for 7. klasse ved barneskulen.** Også svært vellukka.

- **Sirkus på barneskulen.**

Orientering v/kommunalsjef helse og omsorg, Edith Oma:

- **1995-bygget på Samnangerheimen / omsorg+.** Orientering om behov, mogleg framtidig bruk av bygget m.m.
- **Sjukeheims plass i Samnanger.** Orientering på bakgrunn av bestilling i kommunestyret 16.09.2022.
- **Legesituasjonen.** Orientering om status for legesituasjonen i kommunen.
- **Sjukefråværsoppfølgingsprosjekt.** Orientering om prosjekt ved Samnangerheimen.

Grunngjevne spørsmål:

Spørsmål frå Samnanger Frp om barnevernssak

Karl Bård Kollbotn (Frp) las opp dei grunngjevne spørsmåla. Ordførar Knut Harald Frøland (Bl) las opp rådmannen sitt svar. Svaret vart samstundes òg sendt skriftleg til Karl Bård Kollbotn.

Utvalet sitt kvarter:

"Svinta"-skyss

Karl Bård Kollbotn (Frp) viste til ordninga med "Svinta-skyss" som kommunestyret har vedteke, og stilte nokre spørsmål til rådmannen om korleis ordninga fungerer. Ordførar Knut Harald Frøland (Bl) svara, og informerte om at "Svinta-skyss" er ei prøveordning som skal evaluerast av kommunestyret i haust.

Bilde av ordførarar i kommunestyresalen

Karl Bård Kollbotn (Frp) viste til at det lenge har vore ønske frå kommunestyret om å få hengt opp igjen bilde av ordførarar i Samnanger i kommunestyresalen (både noverande ordførar og tidlegare ordførarar), og bad om at dette blir prioritert.

Vedlikehaldsplan:

Odd Arne Haga (Frp) etterlyste sak om vedlikehaldsplan på saklista for kommunestyremøtet. Kommunalsjef Hilde-Lill Våge orienterte om status og framdriftsplan for arbeidet med forvaltningsplan for kommunale bygg og vegar. Saka kjem truleg opp til handsaming i kommunestyret våren 2023.

Eldrerådskonferanse i Bergen

Solveig Vassenden (Bl) orienterte om at ho nyleg har delteke på to-dagars eldrerådskonferanse i Bergen. Godt og innhaldsrikt program.

Samnanger helsetun

Solveig Vassenden (Bl) viste til at det er utfordringar med plass/areal på helsetunet, og spurde om det er planar om utviding/utbygging. Kommunalsjef Hilde-Lill Våge svara. Ho orienterte òg om at det blir jobba med felles innkøyring for helsetunet og parkeringsplassen tvers over vegen for Samnangerheimen.

Kapasitetsproblem bårerom

Linda Haug Kollbotn (Frp), som er kommunen sin representant i kyrkjestyret, orienterte om at det er kapasitetsproblem på bårerommet i kyrkja på Ådland. Ho oppmoda i samband med dette om at det blir etablert bårerom på Samnangerheimen. Rådmann Ove Sæbø svara.

Drosjesituasjonen i Samnanger

Arild Røen (H) tok opp at det er vanskeleg å få tak i drosje i Samnanger i helgar og på kveldstid.

Ambulansekapasitet

Arild Røen (H) orienterte om at ambulansen i Eikelandssosen ikkje kunne rykkja ut til ei ulykke i Samnanger 14.09.2022, og at det tok fire timar før den skada personen vart frakta til sjukehus. Rådmann Ove Sæbø orienterte om at han vil ta saka opp med spesialisthelstenesta dersom han får

nærmere informasjon om ho.

Legevakt

Arild Røen (H) spurde om legevaktsituasjonen i Samnanger, mellom anna om status for prosessen med eventuell etablering av legevaktsamarbeid med Bergen og Osterøy. Ordførar Knut Harald Frøland (Bl) svara.

Bassengdagar SFO

Shirin Kvernes Khadoor (Ap) orienterte om at SFO no har fleire bassengdagar enn tidlegare, og at dette er svært positivt. Det er no bassengdag annankvar fredag.

Gangveg, vatn/avløp og fotgjengarfelt i Eikedalen

Monica Tjønnå (Sp) spurde om status for arbeid/planlegging av gangveg, vatn/avløp og fotgjengarfelt i Eikedalen. Ordførar Knut Harald Frøland (Bl) svara, og orienterte kort om status for ulike initiativ/prosjekt i Eikedalen.

Samrøystes vedtak.

KS- 044/2022 Vedtak:

Orienterings-/referatsaker vert tekne til orientering.

Rådmannen sitt framlegg til vedtak:

- Orienterings-/referatsaker vert tekne til orientering.

Oversikt over faste saker:

Eventuelle merknader til protokoll frå førre møte.

Orienterings-/referatsaker.

Utvalet sitt kvarter.